



## **E RERE RĀ**

E rere rā te motu nei  
Ki roto koia o Parihaka  
Nā Tohu rā i whakahaere mai ngā tikanga  
I tere paepae ai te motu nei  
Tō pikitanga kei Te Pūrepo  
Tō heketanga kei Toroānui  
Kia whakarongo koe  
Ki te reka mai o te kōrero  
Hei! Hei! Hei!

Mātau tonu au ki a koe e Tohu  
E te ngākau whakapuke tonu  
Me aha ia rā e mauru e  
Ko te hau ka wheru whakamōmotu  
E whiuwhiu ana  
Kei te uru e  
Kei te tonga  
Ka haramai i roto ka kōharihari  
Hei! Hei! Hei!